

Go tlhometšwe dithoto tša dikhamphani tše pedi ka sekoloto sa motšhelo sa kopanyo ya go feta R57-million

Tshwane, 28 Setemere 2021–Dithoto tša khamphani ya lotšisitiki yeo e bego e kolota Ditirelo tša Motšhelo tša Afrika Borwa (SARS) R39-million ya metšhelo ya go se lefelwe e tlhometšwe ke šerifi morago ga kahlolo ya selegae le taelo ya go thopa ke ba Kgorotshoko Kgolo ya ka Pretoria.

Khamphani ya ka Gauteng, Raptosec Logistics (Pty) Ltd, e bile le metšhelo ya go se lefelwe yeo e bego e swanetše go lefelwa go SARS bakeng sa pušetšo ya PAYE yeo e rometšwego ntle le tefelo.

Sehlopha sa SARS sa *PAYE Rapid Response* se ile sa amana le molefela motšhelo makga a mmalwa ka ga obamelo eupša khamphani ga se ya ka ya kaoafatša maemo. SARS e ile ya romela khamphani thomelo ya mafelelo ya tefelo ka la 7 Julae 2021.

Mo mabakeng a mangwe, šerifi o tlhometše dithoto tša Edison Power Gauteng (Pty) Ltd. Khamphani ya motlhagase yeo e bego e na le kontraka e be e na le sekoloto sa R18-million ka lebaka la dipušetšo tša PAYE tšeo di rometšwego ntle le tefelo.

SARS e fane ka tlhaloso le tiišetšo go nolofaletša balefela motšhelo go obamela boikgafo bja bona bja semolao. Sammaletee, SARS e louditše bokgoni bja yona bja go dupelela go se obamele le go thatafaletša balefela motšhelo ka moka ka ditefišo tša godimo, go akaretša bengmešomo ka moka, bao ba sa lefelego metšhelo yeo e lebanego SARS.

Khomišinare wa SARS Edward Kieswetter o tiišeleditše maikemišetšo a SARS a go kumula setšo sa go se obamele seo se tseneletšego ka go ditshepetšo tša dikhamphani tše dingwe.

“Ke tlhohleletša balefela motšhelo ka moka, kudu bengmešomo, go efoga maitshwaro a bomenetša a tirišompe ya motšhelo yeo go ya ka molao e swanetšego go lefelwa ka go SARS. SARS e tloga e ikemišeditše go fediša setšo se, gomme e phethagaditše ditlabela ka moka tšeo di hlokegago go kgontšha obamelo,” Gwa bolela Khomišinare Kieswetter.

Go hwetša tshedimošo enngwe ka kgopelo ikgokaganye le SARS
go SARSMedia@sars.gov.za